


復塵譚



			九	漢
		一	九	書
		五	〇	門
四	入	〇	五	
冊	架	函	號	類

內閣文庫	
番號	漢 9905
冊數	4 (4)
函號	308 · 224

四



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



雙塵談目錄卷四

文庫

文公足疾

生生數

受騙縊鬼

邵康節數

杜孝廉妻

啖縊鬼肉

苗婢

數莖眉

邊扁變鱉

占夢奇驗

一枝花

陳平奇計

資陽白石


梅巨源

春秋五測

高道素乞夢

雙塵談

目錄



言稱堯舜

醬王瓜

上六下么

自尋苦惱

猪以殺為用

烏藜藜

九九諺語

干支紀名

小木人

荷包記

鍋巴老爹

財神感應

宋朝名賢

拆魏字

封使君

黃鶯見曲

五官問答

樂則生矣

笑僧

內閣雀巢

古畫

石恪

祝枝山跋

計二十九則

隻塵談卷四

文公足疾

宛涇蟄夫胡承譜韻仲甫新纂
同里兼人朱慶涓青川甫叅評

朱文公足疾。遇程道人鍼之而愈。贈以詩云。十載扶行持短筇。一鍼相值有奇功。出門放步人爭看。不是前來勃窣翁。已而足疾復。遣人追之曰。余非惜所謝之財。政恐以此詩而誤他人也。甲辰之夏。余息足三載矣。悶坐中。忽繙閱及之。喜和一絕云。勃窣于今信杖筇。三年難

頁一。鍼功。道人何處能相值。放步還思學晦翁。又和云。乘筇而後復支筇。如此神功未是功。但願常占跛能履。纔筭人間矍鑠翁。

生生數

生生數不知起自何人。術家愚弄黔首。毫無影响。然或無意為之。亦復偶獲奇中。戊戌春。同藍圖再姪計偕京師。聞後集旌陽呂元則旅邸偶占此數。藍圖占得十六字云。非虎非熊非蛇非龍。上天不得入地不容。同人莫解。榜發後藍圖中四川省進士。隨以第三場遺落第三

問三字。罰停三科。乃知上天不得之由。又以冒籍發覺。川省攻訐改歸安徽本籍。乃知入地不容之由。此非數之奇驗者與。

受騙縊鬼

鄭情。白花人困諸生者數十年。嘗偕老友赴試郡城。不堪其苦。詰太邑某友曰。我以年例未符。欲告不能。君年且六十一。頂破頭巾。有何戀戀不舍為友。曰。某非戀此也。某蓋受騙縊鬼耳。曰。可得聞乎。曰。某少年未入泮時。黑夜走某邨。遇一婦人提燈上。分光同行。行過某宅。婦

燭余候門外有事宅內無破我事某候至二鼓後守婦
未出大呼啟門一老嫗出問故曰頃一婦人進宅內許
久何事嫗曰無之曰異哉子歸急視之嫗歸急視之則
家有養媳閉門投繯矣廼急救之得不死嫗出謝某止
某宿某不可索燭而行方半里許則見前婦提燈趨而
上詬諍之聲不絕口若重怨某負心破伊事者然某亦
不懼反唇詰之曰某誠破伊事伊其奈我何婦曰子出
月當入泮氣燄方張余亦不能奈爾何也曰然則詈某
云何曰待爾告衣頂曰再來奈何爾也某以婦言有驗

故甘心此苦而不敢告云

朱青川曰嘗聞明季某相國未第時讀書某寺夜遇
一縊鬼叩頭門外口呼太師爺救命某相國問欲何
爲手出白簡求批一准字隨與批之而去未十年功
名顯燦游登臺閣以奸發賜帛畏縮逡巡又見縊鬼
來告云太師前已准我矣乃悠然而逝與此事不可
叅觀哉

邵康節數

友人某某善邵康節數決事如神自亦莫解偶于市上

買一白紙扇。隨起一數。應于某月某日破。且必碎破。某
瞿然曰。此理將奚解哉。吾收好。留待某時。取出。如何得
破。遂用重紙將宮扇裏好封固。藏書筒中。屆某月某日
取出。審視之。並無破形。懸書齋壁上。移坐。目注之。忽家
中幼子暴犯驚風。妻慌甚。遣婢請歸。往返三次。則命之
先行。卽至。意以稍停看扇破也。妻責婢曰。齋中何客。曰
無客。有何緊事。曰。無事。然則奚爲不至。曰。相公身坐椅
上。目注一扇耳。妻駭甚。步至齋頭。牕外斜窺之。則見某
危坐椅上。目注壁上。一扇。神如癡子。然妻氣甚。搶步進
齋。手扯壁上。一扇。碎裂之。擲地上。倖倖而退。大聲詈曰。
還不急視兒子也。某取視之。恍然曰。原來是這箇破法。
隨急視兒子。則兒子已全安無事矣。

杜孝廉妻

孝廉杜某。天都人。初娶某氏。結褵三載。琴瑟靜好。已而
有娠。刺繡閨內。俄見一垂髻女子。自闔外趨入。笑謂曰。
姐姐作何繡事。曰。替郎君繡香囊耳。曰。誰家郎君。勞姐
姐代繡耶。此房是吾房。姐姐何得久住。某以其出言無
狀。思與理論。氣塞舌梗。懼而啼。女忽不見。杜從母隔舍

聞之趨至。告以故。母以爲不祥。命諱之。某膽怯。心疑鬼魅。移母寢所。杜遂獨宿。燈初上。假寐榻上。則見垂髻女子。排闥直入。杜問之。不應。徑升榻上。橫卧。裡所起而燭之。倏忽不見。越五月。而某氏以產難暴亡。杜痛悼傷神。又恨邪祟之先見。以義制情。誓不再娶。既越三年矣。忽與宴族人花燭事。有動于中。迺與族中諸同好。啗續鸞膠。競勸之曰。子青年失偶。悠忽至今。已遲之遲矣。豈容再遲。適某氏望門新寡。懇憇委禽。消吉合卺。杜褰帳入視。則儼然向所見垂髻女也。杜大惶惑。遂驚爲鬼。不敢

成禮。告母。氏母亦異之。顧新婦淑慎。其身上和下睦。久而察之。並非鬼物。命杜成婚。既而琴瑟之好。逾于某氏。甫週一歲。而寧馨舉矣。杜訊以前事。惘然莫解。杜又問夢寐間。至吾家否。女艷然曰。向看牡丹亭劇。當薄麗娘爲不女。閨中弱息。何來斯夢。何君言之悖也。杜語塞而罷。但念此一段姻緣。在前之日。非因非想。何突如其來。終身莫解。每述于人。以爲發難之端。春圃海南兩姪。並述以詰元峰。元峯曰。此古哲人之所謂存而不論。論而不語者。類如斯矣。何惑焉。

啖縊鬼肉

涇之北鄉曰姑坑。聚族居者王氏。邨內有縊鬼為祟。演目蓮戲。王某赴邨觀。有婦獨宿戲闕。王某歸。至半途。遇一婦人。忽前忽後。王某與戲談。婦亦不拒。王疑為縊鬼。顧膽大力雄。將望見里門。廼以反手搏而挾之。婦聲嘶力盡。繼以哀乞。誓不再見。王不聽。及門大聲呼婦。啟門見駭。王遇鬼。王曰。某固捉鬼在此。當烹之。速為我作熟湯。婦不信。又大呼之。婦素畏王。不敢方命。遽燒鍋作湯。

湯初沸。則見王左手若挾有物。擠沸湯內。右手擊鍋蓋。蓋下噏噏有聲。急呼共壓鍋蓋。力抵之。加薪三刻許。王謂婦曰。可矣。鬼其熟矣。啟之。見塊然一物。沈鍋底。王以箸舉而視之。色如猪肝。呼婦取厨刀。切片蘸醬油。試嘗。喜曰。味大美如鷄肉。然呼婦暖瓶中酒對食。傾壺啖立盡。先是王與婦年俱四十。尚未有子。明年舉一子。家道漸裕。而邨中縊鬼之害遂絕。是說也。鄭漢林為余言之最詳。

苗婢

甲辰唯夏新買一苗婢。有詩云。苗婢喚苗花。苗蠻蠢莫加。相將隨赤脚。不必厭聲牙。遠道從方外。歸來正一家。生疎無一事。撥火學烹茶。

數莖眉

亡弟狂文新留鬚。日初學爲詩。得句示余云。却怪兒童拍手笑。阿翁添得數莖眉。余謂添鬚何笑。當易一字。阿翁添得數莖眉。

邊扁變鬚

邊李二姓人。與董姓兄弟全船邊戲董云。二董全宿舍。

被共幅西董翻身。東董凍篤董回戲云。邊李一色李云。此何關我事。董云。我固知之。乃云。不全不合。李化成龍邊扁變鬚邊大懶。

占夢奇驗

某孝廉筮仕祈夢于神。神告之曰。爾明發出西城。往大礮邊敬候。有兩乘大轎貴人來。爾親問功名何似。但看貴人口中許爾云。何卽知爾終身矣。明發如神言礮邊伺候。果見有兩乘大轎來。一爲巡撫鍾老爺。一爲布政司李老爺。進揖礮前甚恭。二公問有何話說。伊以夢兆。

對布政司先笑曰爾學鐘老爺罷巡撫亦笑曰爾學李老爺罷伊揚揚得意而去自謂不是巡撫亦是布政生平志願足矣後以廣文終其身暗嘆神言不驗回家後再占前夢神又告之曰我言固無不驗爾非學中老爺學裡老爺乎蓋以鐘爲中以李爲裡也伊夢中恍然大悟

一枝花

涇東某邨有高鼻士人歸自塾中道遇一濶口丫鬟坐井闌上方汲士作韻語嘲之云丫頭丫一枝花口如此

其他丫頭熟視良久亦荅以韻語云相公相好模樣鼻且然而况嗟乎士也輕薄逼真某邨之風氣而丫頭掉文不足媲美康成婢哉

陳平奇計

秦坑某訟棍狂猾莫敵自詡陳平再出年六十餘矣一子年甫三十適村中一淫婦諸惡少以妬相殺殺婦而奸夫逸主謀者駭甚無以爲計一云須請教某訟師方有奇計耳于是天氣暑甚某訟師睡不能着夜起步月納涼遙見前邨燈亮聲沸趨往視之衆以情告倉皇求

計某訟師曰。此事非我亦不能解。此時夜正午。爾等何不靜守村口。候孤身男子過。執而殺之。以奸報。豈不合。捉奸見雙之律乎。諸惡少年大喜曰。此真賽過陳平矣。挽入中堂。酬以酒肉。正歡飲間。忽聞外間喧傳。一孤身男子至。主謀者攜刀奔出。向前迎。揮之中項。遂斃。諸惡少取燭視之。則某訟師子。乘月覓父者也。訟師抱尸大慟。然已無可如何矣。卒以絕嗣。聞者稱快焉。

朱青川曰。此一則舊傳為訟棍戴賓邦事。自作自受。果報之可畏。一至于此與。

資陽白石

朱梓字維恭。涇東張香都人。己卯孝廉。丙戌同計偕都門。會山西呂嘉仲學政。聘余衡文。余以大挑未赴。朱託余轉薦。既送請書有日矣。會呂同牕江某。從中撓之曰。梓吾止也。迺不果行。留京試咸安宮教習。筮仕四川資陽。令十載歸訪。余方山別墅。時正抱疴家居。扶杖迎之。余吟工部詩曰。幽棲地僻。經過少。老病人扶。再拜難。其今之謂矣。既坐。訊以宦况。若何。則對曰。予有改古人聯八字。兩袖清風。一船白石。兼有白石詩一首。當為君誦。

之詩云。能吏肥囊橐。裝載數舟溢。我宦已十年。歸舟祇一隻。自笑無長物。飄蕩輕如鳥。大風吹之回。浪高不可拍。舟師苦難行。沿江拾白石。拾之亦何為。聊以充圭璧。豈學南宮顛。媿同鬱林跡。差可傲陳平。免致袒背脊。亟呼家人浮大白。家人告以瓶罄。并徐相謂曰。縣令憂歸拾石。可充金。先生病還。飲茶。豈不可當酒乎。主賓大笑而罷。

朱青川曰。愚閱咸淳臨安志云。白樂天在杭州。取天竺片石受代攜歸。有詩云。三年為刺史。飲水復茹檗。

唯向天竺山。取得兩片石。此直抵千金。無乃妨清白。今維恭姪沿江所拾如此。不洵與香山居士後无輝映矣乎。矧看有杭州刺史之行也。預賀預賀。

梅巨源

梅驥字巨源。宣城縣廩生。文名噪江右。生有膂力。食兼數人。嘗設帳某姓家。抵館未三日。不辭而步旋。某姓以其名重。遣伴迎于其家。兼請罪愆。先生曰。余適有繁事。未及辭耳。夫何罪焉。爾既來迎。當于飯後。偕爾全往。隨于堂上。設上下二席。自坐上席而坐。伴于下席。隨呼具。

飯則以升。壘飯奉使。而以斗盆飯。自奉乾魚一碟。菜羹一碗。伴飯未及半。壘先生飯盆已罄。笑顧伴曰。我腹尚未果爾。何量之窄也。隨取羹飯并碟魚碗。羹大嚼之。伴大驚。歸告主人。主人笑謂人曰。先生之歸。乃以受餓故也。又設帳某姓。主人四十無子。主婦悍妒。不容納妾。獅吼之聲。每徹于館。一日。主人大憤。哭訴先生。先生曰。吁。我為君治之。可乎。主人曰。所患先生治。未能服耳。奚不可之有哉。適館旁有招先生。主人赴席者。先生則挽主人同行云。且既醉既飽。而後如約。既歸。使主人先以言

導之。主婦方反唇詆諆。先生大喝一聲。手執夏楚。疾趨內寢。面數之曰。世間有如此不孝不順惡婦人。尚任其偷活乎。奮拳擊之。誤中床柱。為折。主婦大懼。失色。低聲告饒。先生曰。我聞若冤惡性成。原不教而誅。有如此柱。斃于一拳。為若夫除害耳。若且告饒。若可知罪乎。主婦曰。不知。曰。忍絕夫嗣。不孝。與夫開口不順。不孝。不順。罪在不赦。又奮拳折其第二柱。婦伏地請罪。先生曰。我拳可饒。夏楚不可饒也。則執夏楚。連撻背數十。主婦哀泣。挽夫求饒。先生曰。與若約。戒若如屏。若悍速。與若夫納。

妾生子而後罪乃可宥主婦一如命自是變為良婦未及兩週連舉寧馨先生以投徒期滿方將他適主婦率妾各抱嬰孩從夫詣館長跪先生前曰承君大德鬼無餒而請高坐受禮先生則一揖謝之曰向者之粗暴寔以不得已故敢冒小嫌為此一舉尚何謝為相與莞爾而散又曰者云先生命造與馬章民先生同而馬以狀頭顯先生終身困諸生歸于秉性太武之故噫如此之武豈為先生累哉

春秋五測

國子先生戴未堂進士名祖啟字敬咸與東原氏戴震齊名沈酣經學所著春秋五測闡析微言勃萃理窟不讓葉華南太史春秋究遺善本掌教潛川日問序于余為題五言三十韻歸之詩云皇皇天子事稟稟聖人筆大義炳日星微言辨毫髮同時文學賢恐非盲左匹一辭謝不能敢益浮夸說高赤各成家鄒夾忽中絕流傳寔失真岐路困修轍臨川侮聖流朝報幾淪沒二曜無中藏文定儒宗傑編纂入經筵制科奉圭臬恭惟我熙朝文治隆濬哲諸經集大成於爍披雲物宮和商角

應汲古爭傳。述往讀望溪集。手眼疑獨出。通論網在綱。
 屬辭功未畢。亦有耕餘堂。揚芳行補綴。贈我究遺編。支
 分派攸別。先賢競文章。文章競魁嶺。後儒競討論。討論
 競通達。條縷簡端心。含咀筆巔舌。周秦迄于今。何者歸
 畫一。五測綜羣言。大旨排轆轤。澄懷一鑑空。搦管六鰲
 掣。指眼刮金篋。隨風削冰屑。剔我秋窗燈。中庭流素月。
 兀坐鈎元要。縱橫戒馳突。士生
 聖明世。愧乏匡董術。小夫紛藻績。春艷秋無實。庸師溺
 章句。外朗中難澈。蔚然錦繡腸。閭然瑤瑋質。匪直也起

予留以備宣室

高道素乞夢

高工部道素初名斗光。萬歷丙辰公車入都。乞夢于泡
 子河呂公堂。夢黃冠告之曰。君與高斗光同年。荅曰。是
 吾名也。黃冠曰。君乃是高道素。寤而異之。遂更名。後三
 年己未榜發。中第三十六名。其同榜第九十名為高斗
 光。山東嘉祥人也。余蓋見之間史掇遺云。

言稱堯舜

一劉秀才。陳監生同見廣文。劉送猪頭一箇。陳送耳鐙

一對廣文戲嘲之曰。承惠厚誼。我有韻語奉贈。秀才姓劉。送一猪頭三斤。三兩堯舜。其猶監生姓陳。送一耳鐙三分。三厘堯舜。與人于時。監生嘿然。秀才曰。承老師過獎。門生作一破題奉答。可乎。隨吟云。時官兩責門人言。必稱堯舜焉。主賓兩笑而散。

醬王瓜

黃學博合肥。善詼諧。嘗邀余憇一蘭若。老僧形容偉然。大聲呼小和尚送茶。須臾茶到。兼設豆莢瓜當數碟。黃口占戲之云。禪房花木客留茶。愛爾紅唇白齒牙。記

得老師同被睡而今怕見醬王瓜

朱青川曰。聞春圃兄誦一紹興人詩云。辛辛苦苦種王瓜。賣遍街頭始放花。結得一條如卵大。被誰偷去入娘了。蓋紹興人呼陰爲了也。述之以資噴飯云。

上六下么

袁蕙纘孝廉爲余言。曩飯一朝紳某某家。長鬚進饌。左肴右核。予不莫辨。某紳笑叱之曰。癡奴性愛賭博。何獨未解此乎。一爲月。二爲鬼。三爲雁。四爲紅。五爲梅花。六爲六。只照骰子上。面位置便得宜耳。有何難辨。長鬚諾

諾連聲如命以進。進至第七椀。悄置席下。主賓方傾談。衷曲未遑見也。主人速呼進菜。曰久置席下矣。大驚問。故曰照骰樣耳。不見骰子。上面為六。下面為么乎。主賓大笑噴飯。命速易之。

猪以殺為用

備五先生精于講書。所著審問錄。劊劊行世。即尋常詎。諸亦關至理。嘗云猪以殺為用。謂凡天下之物。無不以有用于人為貴。猪獨無用。人之豢猪者。早莫餵食。無敢失時。日祝肥臍。原不過以供一刀之用。而及其既殺也。

不見割剝之慘。唯羨肉味之佳。共噴噴口稱某屠家殺得好肉。爭市恐後。其有不待殺而死者。則羣豮為瘟猪。而棄之。且諱之矣。猪以殺為用。信哉。一云人之終于正寢者。曰考終命。列在五福。死于刀兵。則為非命。猪不見刀而自死。即為無用。誰其可自同于猪哉。

自尋苦惱

備五先生又云。人生自尋苦惱事。不可枚舉。而尤難解者有三。一曰計醜妾。二曰吃寡燒酒。三曰作不通詩。妻妾皆閨閣所需。然妻云敵體。在德不在貌。况父母之命。

妹妁之言原非己所能專主。卽至奇醜亦應如賓。若買妾則非妻比。雖曰以廣嗣續。不必定擇佳麗。何乃不避奇醜。至今無鹽嫫母相對刺目乎。是其自尋苦惱者一也。酒飯皆飲食常供。然飯以養生。一日不再食則飢。况得之則生不得則死。原不計菜之有無。卽令極菲亦應加餐。若酌酒則非飯比。雖非嘉賓在座。不定謀多且旨。何乃日吮燒刀。竟如茹荼食藥。頓眉唾舌乎。是其自尋苦惱者二也。詩文皆筆墨家事。然文以應試。一限于功令。二迫于父兄。無論毀齒村童。麗質皓叟。皆不得辭所

事。所云醜媳婦。避不得公婆面也。若詩則既無功令之限。又非父兄所迫。果有別裁。何妨呻其咕嗶。既無心得。奚必強為衣冠。而乃徒又温手空燃。杜髭聳肩。只益其醜。嘔心未盡。其瘁嚼蠟。貽譏噉腸。致謂是亦不可以已乎。是其自尋苦惱者三也。噫。其在于昔三者。苟非自尋。皆可強自禁抑。而今于詩則誠未如之何也已矣。學者其可不自盡心哉。

烏藜藜

涇諺語謂黎明日烏藜藜。蓋言天未辨明。尚黑洞洞也。

明葉永盛字子木萬歷己丑進士巡按江西首糾大僚不法諸墨吏望風解綬去聲震三江一日升堂起馬命旗牌官曰明日起馬須要烏鬃鬃時旗牌官唯唯應聲以退出告同事倉皇求烏鬃鬃無一知者深懼得罪傍晚有公蒙師以失館抵任抽豐既至轅門見吏胥輩神慌色沮偶語咨嗟問其所以則云大人命下明日要烏鬃鬃方起馬我輩遍尋不得奈何蒙師心釋然佯應之曰此物大是難尋爾曹于明日五鼓飽餐束裝黎明伺候起馬我進見時為若等緩頰力求豁免可保無罪眾

疑未信顧已扃門無可如何屆期竟如其言果不再問眾德蒙師厚贖以歸焉

朱青川曰愚按鄒志云葉玉城少讀書山寺遇溪漲阻渡一人前曰某願負公過水負至中流迺曰某非人也生江西某縣為某謀害瘞我于灶下異日公巡按西江望為察寃耳公諾之後十年玉城果按臨其地見突中一手出焉止轎對空應曰知爾寃矣命掘其灶得屍骨一具坐謀者罪時人稱曰葉見鬼附錄之以記先賢之異讞善政可也

九九諺語

冬至後九九氣候。田家諺云。一九二九相逢不出手。三
 九二十七。籬頭吹盛粟。一云琉璃四九三十六。夜眠如
 露宿。五九四十五。窮漢街頭舞。一云太陽六九五十四。
 蒼蠅塚屋飲。七九六十三。布祆擔頭擔。八九七十二。猫
 狗眠窖地。九九八十一。犁耙一齊出。仙里塵談。夏至後
 亦有諺云。一九二九扇子不離手。三九二十七。冰水甜
 如蜜。四九三十六。汗出如洗浴。一云爭向五九四十五。
 秋風吹葉舞。六九五十四。乘涼入佛寺。七九六十三。夜

眠尋被單。八九七十二。思量蓋夾被。九九八十一。家家
 打炭擊豹隱。紀談云。二諺俱范石湖語。

干支記名

闕逢甲之下是旃蒙乙柔兆丙連疆圉丁著雍戊屠維
 已上章丁重光辛次元默壬昭陽癸干乃終又五言云
 扞提格寅單闕卯執徐辰大荒落巳敦牂午兼協洽未
 涇灘申與作噩酉閭茂戌大淵獻亥困敦子赤奮若丑
 起寅終子丑。屈指數無錯。

小木人

涇邑洪某在廬州府城以賣醬爲業。屋後有園一頃置醬缸數十。暑夜則去缸蓋受風露俾醬無餒。園後有塘寬十畝許。養鴨數十隻。夜則欄之于園內。俄一日有客來寓居樓上。夜熱不能寐。聞園內鴨飛呼拍拍。聒噪人耳。心焦躁。啟樓後窗窺之。時月明如晝。見有小人數十。長可五六寸許。每人持一短鞭。躍跨鴨背上。不走則以鞭驅之。馳騁以爲樂。往者來者。仆而復上者。奪而爭騎者。磬折作彎弓勢者。持器械作鬪殺狀者。竟居然一小操演也。客睇觀久之。俄馳驅皆倦。競跳至缸上以指染

醬爭含吮之。客大叱一聲。紛然竟走。有驚而墜于缸內者。因喚主人語以故。主人不信。遂同至園內。遍觀醬缸內。尚有三四人。昂首赴醬。欲起不能。見人至則奄奄不動矣。舉視之。係小木偶耳。目口鼻皆備。手中各持鮮草一莖。係新折者。客勸主人焚之。主人曰。彼固未嘗我崇也。仍送至園中。俟其去。天明視之。尚在。則塊然一小木耳。後屢出以示人。羣莫解其所由。不數年。主人竟以業醬起家矣。蓋大兒先聲在金斗時耳。受于主人洪某。并親見小木偶云。

荷包記

徽歙間某年月嫁娶日適兩新婦輿同憩道周一極貧女一極富女始而哭莫解久而貧女哭獨哀富女曰遠父母哭固當奚若是其哀與命伴嫂輿側叩之貧女曰聞良人饑餓莫保今將同併命耳奚而不哀富女心惻解荷包贈之蓋上輿時祖母遣嫁物也貧女止哭未及道姓氏而各散以去抵門景况蕭索新郎掩嘆迎婦入忍淚告曰儂家固貧填溝壑分也今以累卿奈何新婦取荷包付之新郎喜愧交集持向市店閱視之則纍然

黃金二錠秤之重四兩許可易白銀三十六七兩有奇以其零者市錢米酒饌歸歡行合巹禮問曰卿家非素封那得黃金二錠婦笑曰豈我家物哉述途中事告之新郎感激銘勒五內私念貧兒暴富豈宜坐享待盡取三十兩合夥經商一歲之中獲利數倍自是習為常凡所買遷無不如志少則數倍多則數十倍不十年而致巨富建屋營田開張典當富逾十萬然總以不知贈荷包人氏心懷歉恨于宅後起樓三間中設神龕供香火敬奉荷包以誌不忘顧富家女子歸後夫家父家連被

同。祿。繼。以。疾。疫。屢。遭。破。敗。十。年。以。內。如。水。刷。沙。貲。財。立。
盡。貧。女。家。子。歸。後。豐。于。財。而。艱。于。嗣。十。年。之。中。殖。貨。十。
萬。尚。未。生。男。一。日。忽。產。寧。馨。喜。謀。所。以。乳。之。急。召。老。嫗。
選。聘。容。止。端。莊。性。情。溫。淑。之。人。聘。儀。雖。重。勿。吝。也。老。嫗。
遍。覓。無。當。意。者。忽。念。某。村。某。婦。先。富。今。貧。向。多。沐。其。津。
潤。不。如。以。此。役。報。之。明。晨。步。至。某。婦。家。則。卽。道。上。贈。荷。
包。人。也。正。值。其。翁。解。館。回。家。運。帚。中。庭。老。嫗。以。情。告。翁。
大。怒。手。批。其。頰。詈。曰。曩。受。我。惠。今。何。得。故。相。輕。薄。嫗。言。
正。以。相。報。並。無。他。意。互。相。詬。誶。聲。徹。于。內。婦。出。問。故。沈。

吟。良。久。曰。媳。婦。顯。往。念。此。非。辱。身。賤。行。且。可。稍。佐。甘。旨。翁。
氣。稍。平。婦。囑。老。嫗。說。合。焉。說。合。之。後。乘。輿。而。往。兩。婦。相。
見。彼。此。敬。愛。誼。如。姊。妹。都。不。知。途。中。曩。日。事。越。歲。乳。兒。
慶。遇。命。乳。娘。抱。兒。往。後。樓。香。火。前。禮。拜。乳。媪。抱。兒。登。樓。
則。見。中。有。神。龕。雕。飾。莊。嚴。外。懸。大。紅。貢。緞。神。幔。心。念。此。
必。供。禮。大。士。像。抑。或。起。家。祖。先。急。抱。兒。叩。首。畢。輕。揭。窺。
之。並。不。見。有。神。像。但。見。中。設。小。香。几。几。上。荷。包。一。枚。而。
已。輾。轉。猜。度。莫。解。厥。由。徑。取。荷。包。反。覆。細。視。上。繡。花。草。
類。已。針。法。益。大。惶。惑。又。念。遺。嫁。時。兩。家。全。盛。荷。包。盈。奩。

嘗分以贈貧女。今身爲人役。嗚嗚。酸心不覺。淚下逾時。主婦命婢請乳媪。往返數四。回云。乳媪手執荷包掩泣。不肯下樓。主婦大驚。親上樓訊之。曰。乳媪素賢慧。今見子好。日何哭爲。乳媪愈大慟。聲咽淚如珠落。不能仰視。主婦手執之下樓。曰。日間大忙。且理會兒子慶遇事。候夜靜。當爲爾細談也。屈宵分延之入。曰。爾見荷包而哭。亦知荷包所自來乎。曰。不知也。頃憶遺嫁日。曾有荷包贈人。今一會至此。不覺酸心耳。曰。爾知所贈荷包之人乎。曰。途間心惻。邊問何人。曰。爾知荷包中何物乎。曰。上

輿時。祖母所遺。想是白銀二錠耳。曰。非也。黃金二錠。其人得此。已致巨富。日思圖報。明日當請來一會。話畢。良人歸。主婦曰。君敬奉荷包。其人尙在。何以報之。曰。傾家貲與之。曰。君家乳媪是也。良人曰。吾向謂世間那有此乳媪。今信然矣。詰朝請族長四鄰。至將十年來所得貲財。逐細開算。田產若干萬。屋產若干萬。典當暨各店本若干萬。計共一十萬有零。則又請乳媪之夫。與其翁繼至降階。迎入中堂。四席奉酒。安位肅若。上賓。衆賓惕然。莫曉所以。內堂垂簾。設一席。延乳媪。至則命四婢掖之。

上坐夫婦雙雙長跪席前告曰妾即道上所贈荷包人也。愚夫婦以待填溝壑之身藉此享有今日日思補報。靡道之從。今天誘其衷。幸賜識認。特延請鄰族。算有貲財若干萬。皆荷包中物也。物歸原主。愿奉夫人乳媪曰。是何言與。發富是君家大福分。我何與焉。且荷包倘在我家。亦同盡耳。我絲毫不敢取。必欲成君高義。則賜還荷包。原贈物之倍焉足矣。主婦長跪不起。再三不肯。其夫與翁固讓固辭。至于日中。莫決。衆賓曰。前茲道傍之贈仁也。今茲傾家之還義也。仁至義盡。加以辭讓德。

之美也。衆賓與有光寵焉。願居間剖分之俾仁義各不相傷可乎。迺依衆賓剖分之然。兩家夫婦猶若有忤容。有愧色焉。嗣是世爲婚姻以仁義世其家云。

朱青川曰。此篇若付洪昉思。孔云亭諸君。佐以曲子賓白。竟是一本絕好傳奇矣。中間摹寫認荷包一段。逼真太史公寫諸軍壁上觀楚漢爭鋒手法云。

鍋巴老爹

黃周星。字九烟。上元人。育于楚湘周氏。崇正庚辰進士。除戶部主事。疏請復姓。甲申後變姓名曰黃人。字略似。

號。半。非。又。曰。笑。蒼。道。人。自。鏡。一。印。文。曰。性。剛。骨。傲。腸。熱。心。慈。自。詡。與。正。人。君。子。鬼。神。仙。佛。相。知。而。與。小。人。多。不。合。嘗。賦。詩。云。高。山。流。水。詩。千。軸。明。月。清。風。酒。一。船。借。問。阿。誰。堪。作。伴。美。人。才。子。與。神。仙。喜。食。鑊。底。魚。飯。人。呼。為。鍋。巴。老。爹。遂。欣。然。受。之。賦。詩。云。灶。養。幸。無。郎。將。號。鍋。巴。猶。得。老。爹。名。兒。曹。相。笑。非。無。謂。慚。媿。西。山。有。此。生。學。仙。恨。少。休。糧。訣。嚇。鬼。空。多。噉。飯。身。如。此。老。爹。應。餓。煞。鍋。巴。敢。望。史。雲。塵。隔。江。船。尾。競。琵琶。金。帳。寧。知。雪。水。茶。新。婦。羹。湯。多。得。意。老。爹。自。合。嚼。鍋。巴。哺。親。焦。飯。記。先。賢。苦。節。

多。存。感。慨。篇。莫。道。鍋。巴。非。事。鍋。巴。或。借。老。爹。傳。嘗。夜。卧。一。室。每。夜。半。起。掛。衣。冠。肅。客。絮。語。不。休。質。明。或。問。故。則。曰。吾。故。人。忠。魂。來。相。慰。耳。年。七。十。忽。感。愴。傷。心。仰。天。嘆。曰。嘻。而。今。不。可。以。死。乎。自。撰。墓。誌。與。妻。拏。訣。取。酒。縱。飲。盡。數。斗。大。醉。自。沈。于。水。

財神感應

京師馮某住安定門竹桿巷陋室偕妻二人生有憨性食貧茹蕨日不聊生自供財神一座興暮訴禱必有酒肉資其餘瀝以饜纔吻日見窘迫謀之妻曰我禱財神

而財不我與。不唯酒肉無資。卽蔬食亦莫繼。奈何。聞閭
壁某寡婦家。家貲百萬。後園墻低。可越。余今夜將跨入
竊取。以繼饔飧。可乎。不可。其妻曰。將贊君可耶。豈有丈
夫而爲竊行者。萬一財不得而殃及之。是自戕也。將阻
君不可耶。卽今絕粒。坐以待斃。將令財神絕祀。亦自殞
也。不敢贊。亦不敢阻。馮某中夜輾轉。俟妻熟寐。潛身出
戶。踰隣墻。越之。身墮墻下。雪中神昏片時。俄髣覺前
廳有燈火光。摸壁趨出。則見堂上燃大炬二條。遙望紗
幙。緋袍者兀坐几前。執筆握算。旁列二長几。天平戩子。

砧碼。以次排列。大小棹棹各二。中盛大小元寶無數。光
閃閃射眸子。馮某竊視。心眩私意。此非財神活現耶。詎
可覲面錯過耶。冒死趨前。匍匐几下。訴苦乞憐。刺刺不
休。神瞿然曰。我亦憐爾。但貧富命也。以若所見纍纍者。
乃王二禿子之物。我暫守之耳。豈能借以與人。馮某哭
求無已。神曰。王二禿子住後宰門鐘鼓樓下。明晨親往
索借。只要伊肯收爾券。不拘多寡。余將使守者轉運爾
坑下。此卽日受爾供之報也。余豈爾欺哉。隨命青衣吏
揮之去。倏忽身撲雪中。凍合肌粟。回望燈影。寂然心疑。

夢寐踴身出牆。悄歸戶內。妻壓衾方興。見其神慌形瘁。呼之曰。若胡為者。馮某曰。財神許我矣。若亟起理朝餐。飯我俾我早尋債主。妻叱以那得朝餐來。倉皇檢敗奩。得斷簪半枝。匆匆出門去。易制錢數十文。買燒餅十枚。且嚼且走。踏雪赴後宰門鐘鼓樓。遍問王二禿子人莫之應。下時雪益甚。避風剃頭店。見有鶉衣百結。足曳敗草履。頭頂破沙鍋。貿貿扶牆蛇行者。人爭指之曰。此王二禿子也。馮某趨前高呼。王二哥何往。禿子張目注視。不解所由。徐應之曰。若何人耶。馮某挽王手云。我與若

且上酒樓吃燒刀。以禦雪寒。何如。禿子隨之走。既至樓上。又云。我與若結盟兄弟。何如。禿子退讓不敢當。馮強叩年齒。又云。我大若一歲。我為兄。若當為弟。各拜四拜。隨呼小二進酒。乃具小碟四。熟牛肉一盤。酒一尊。各酒三酌。禿子逡巡問故。馮某告以欲借銀若干。禿子嗤嗤笑曰。兄何言之戲也。我乞人。那得銀借。馮某曰。我亦知若無銀。但此不費若事。我當立券。弟但收券足矣。隨呼小二索紙筆硯三事。竟書三千之券。強禿子收。禿子疑其瘋也。收置乞袋中。馮某稱謝以退。既抵家。謂妻曰。若

看。我。今。夜。作。財。主。耶。夜。三。鼓。睡。不。得。着。起。挖。坑。磚。妻。叱。之。曰。只。剩。一。破。坑。不。留。睡。覺。耶。馮。力。挖。不。顧。甫。去。二。磚。伸。手。探。之。便。若。有。物。呼。妻。取。火。燭。之。大。小。元。寶。堆。砌。坑。下。妻。驚。喜。曰。誠。如。君。言。當。叩。首。財。神。前。第。財。物。驟。至。不。可。輕。洩。當。謀。所。以。出。之。隨。檢。家。私。斷。椅。折。棹。敗。絮。破。裳。穿。商。于。市。曰。進。蠅。頭。漸。告。贏。餘。不。一。月。市。有。米。行。招。商。頂。行。馮。某。與。談。今。當。爲。某。戚。啗。頂。共。估。值。物。若。干。值。銀。八。百。兩。房。屋。若。干。值。銀。五。百。兩。剩。貨。若。干。值。銀。一。千。六。百。兩。馮。某。與。立。議。合。既。定。徐。歸。取。銀。既。成。交。移。宿。店。中。

不。兩。載。獲。利。十。倍。爰。開。典。當。築。室。百。堵。儼。然。一。富。朝。奉。矣。顧。心。念。王。二。禿。子。每。有。閒。餘。輒。往。後。載。門。鐘。鼓。樓。剃。頭。店。尋。覓。踪。跡。而。禿。子。方。遊。乞。城。外。杳。無。音。耗。且。日。益。窘。并。乞。都。無。應。者。于。時。隆。冬。雪。寒。禿。子。涕。洟。來。剃。頭。店。告。以。存。活。無。路。受。餓。難。堪。將。逃。入。玉。河。冰。下。畢。命。時。向。晚。踉。蹌。走。向。河。干。剃。頭。人。手。捧。之。回。適。連。挽。其。乞。袋。傾。之。碗。碟。七。箸。滾。滾。落。地。破。片。包。錢。三。枚。中。有。借。券。剃。頭。人。拾。視。之。叱。之。曰。若。借。銀。三。千。與。人。而。自。行。乞。欲。死。若。誰。欺。耶。禿。子。笑。云。此。竹。桿。巷。馮。瘋。子。強。偏。我。收。者。我。那。

得銀來刺頭人則告云馮某已來此尋覓兩三次以爾
出未歸未遑告爾盍往竹桿巷訪之禿子點首稱善翌
日禿子趨赴安定門竹桿巷新宅前直呼馮某名扣關
者怒曰何物乞兒敢呼太爺名不怕門門敲斷脛骨耶
馮某內寢早饑甫畢聞外聞聲呼闔者詰之對以門有
乞兒來尋太爺命延之入既入審視久之王二禿子也
馮某佯怒罵云我以至戚尋爾通京城以爾為死久矣
乃不成人至此佯入內覓杖告妻以故妻出認弟流涕
請罪呼婢具餐餐畢呼取靴帽衣服至命闔者引入浴

室浴畢命衣冠而後來見自是留馮外典甘旨既得熏
沐既調未三五月禿子髮長顏渥儀容改觀儼然三十
餘歲一偉男子矣顧間壁寡婦家老寡婦沒一載有餘
少寡婦以家資重大難持門戶謀于馮婦意欲贅偕馮
婦商于馮某以王二禿子進俾令相依深當婦意謂吉
成禮未三年產男二人而馮某則豐于財而艱于嗣其
妻屢置側室終無子息越馮將沒禿子前券三千獲息
奚啻十倍請于禿子螟蛉一子盡其所有盡歸故主嗚
呼而今而知財神之言之不謬也財神之巧于轉移也

長庚集

卷四

三

乃如是夫。

朱青川曰。現今王。二禿子之子。在京城內。開張與舖。作大朝奉。與桃潭翟六三兄友善。時相過。從自道無諱焉。六三兄歸而述之。先生故有是篇。而不知者。乃以為元峰寓言也。

宋朝名賢

宋朝中名賢。書惟蔡莆陽。蘇許公。易簡。蘇東坡。黃山谷。蘇子美。秦淮海。李龍眠。米南宮。吳練塘。傅明王。逸老。皆比肩古人。莆陽典重有法度。許公無媿法度。東坡草聖。

得意咄咄。逼顏魯公山谷。乃懸腕書。深得蒲亭。丰韻然。行不及真草。不及行。子美乃許公之孫。自有家法。草聖可亞張良史。淮海專學鐘王。小楷姿媚。道勁可愛。龍眠子。規矩中時。見飄逸。有晉人風度。南宮本學顏。自成一。家于側掠。挈趨循古法度。無一妄作。練塘深入大令之室。時作鍾體。逸老殆欲欺凌懷素。或謂過之。

折魏字

己亥江南鄉試題。魏魏乎。唯天唯大。三句。元音弟望捷情殷。同人守榜。汪某在座。見其神情迫切。戲之曰。吾為。

君拆一字如何。元音口報一巍字。汪沈思良久。指畫再四。曰得之矣。上為出字之半。半出學也。偏旁有禾無乃。秀字去半也。有女無子是半好也。加以魁字有鬼無斗。其必中副車也。無疑。越三日揭曉。果以副榜第五名報雋焉。

朱青川曰。聞元音姊丈。戊申守榜旌陽館中。同人藏閣。又分得一巍字。元音大言曰。前巍得副後巍必得。正即今中巍。巍乎科之兆也。夜三鼓報錄人到。果捷南闈三十二名焉。

封使君

漢宣城太守封使君邵。一日忽化為虎。食郡民。遂去。時人為之語曰。無作封使君。生不治民。死食民。嗚呼異哉。吾聞苛政猛于虎。自孔子過泰山側而已。有是言矣。未聞使君之遂為虎也。以為有此事耶。何人之無良。一至于此也。以為無其事耶。何時人之語。逼真。占漢諸哥。又非若後人之附會語也。且何以紀載。歷歷曾不稍諱也。嗚呼異已。

黃鸞兒曲

元峰病後請假回籍于時秋霜正零金風肅颯金盞僕
亡僅一老妻借兒子輩勉治任晝夜勤劬不遑寢處
元峰偃息在床顧而哀之因作是曲以勞之云五十是
中年問如何此病纏想半是天公別有個行方便把韶
華暗延把機關暗牽等得那江帆風順江柁轉告賢媛
搔首望青天稍待我病除災退再做個老團圓

朱青川曰于此益嘆先生刑于之化厚也先生回籍
養病辦措世事內外政一切委之家姊夫人家無長
物而夫人處之裕如藥爐茗碗必展如賓之敬歷久

不。衰。余。過。方。山。別。墅。親。見。之。又。聞。先。生。嘗。呼。家。姊。為。
韻。卿。云。

五官問答

某山山堂徒侶會食。輒爭坐位。嗷嗷無休。全無倫次。某
居士設帳于側。疾之已久。忽一日與會。居席之末。亦無
遜讓。酒數行。徐嘲之曰。人身五官。互相為用。忽一日兩
手不忿。氣問曰。子任逸。我任勞。我善做。子善食。儘我
一生。勞瘁都被爾吞下。喉去。爾有何功。坐居我上。口笑
曰。嘻。唯我善食。爾乃能做。如今竟不食。爾請動罷。手慚

而服口又云一身之內全虧我食乃得營衛調和五官
 効用鼻有何功坐居我上鼻笑曰非我善臭恐爾連汚
 穢都吞下口漸而服鼻又云唯我司臭乃無錯食眼有
 何功坐居我上眼笑曰非我則瞎恐連鼻都抽吊了鼻
 懶而服眼又言一身之內全虧我善視乃得口鼻俱靈
 手足持行我功最大我位最尊眉有何功坐居我上眉
 毛笑曰信如爾言爾有用我無用我誠不願居爾上繼
 自今爾請上我請下只恐爾不像個人耳徒侶聞言嘿
 嘿以慚自此相化以讓會食時永不復爭

樂則生矣

蟄夫居士辛丑犯病回籍六載乙巳唯夏復犯感冒繼
 之失血幾瀕于危賴黃山崔丈藥之而愈丙午元旦喜
 率妻孥步至老屋親詣祖先前叩謝焉大兒先聲留宿
 厥廳後樓房之左室既醉既飽一鼓就寢夜夢有人告
 以孟藝樂則生矣五句題私擬此為是秋闈題耶又意
 樂為蟄夫乳名樂則生矣者是呼蟄夫名而告以大病
 不死而今而後尚可活得成也生則惡可已者言而今
 既活得成則必無有半活而可歇得了也惡可已三句

言既非半活而遂可已。將來活到好處。足自然蹈手自
然。舞自有不知其然而然之妙。無論年月遠近。必臻此
地位。而後可住也。初三日先聲先聯。招人作會。即以命
題。元音笑問余自己發兆。乃如是乎。笑應之曰。病人發
兆。是則然矣。第不識孟夫子于數千年前。留下此五句
。若早為蟄夫預先斷此醫案。此蟄夫之所以心乎起蟄
。知必不以蟄終也。請書之以俟後驗乎。

笑僧

高座寺僧誦經至無眼耳鼻口身意。黃紫芝曰。焉用誦

此。僧髡其首而無眼耳鼻口身意。更成何物。僧大笑。

內閣雀巢

內閣槐樹一株于霄蔽日。枝葉扶疎。每逢會試之年。輒
有喜雀來巢。其巔巢踞正枝。則閣中必得鼎元。巢踞旁
枝。則或榜眼。或探花。必出閣內。一巢則得一兩三巢。數
亦如之。或有巢後自撤其巢者。雖文章自命而終不可
得。閣中舍人以下休咎百不失一。亦奇徵也。是說也大
見先聲聞之。舍人鮑二根實。

古畫

古人遠矣。曹弗興、吳道子，近世人耳，猶不復見一筆。况顧陸之徒，其可見之哉。是故論畫當以目見者為准。若遠指古人曰：此顧也，此陸也，不獨欺人，實自欺耳。故言山水則當以李成、范寬、花果則趙昌、王友、花竹、翎翎則徐熙、黃荃、崔白、崔順之馬，則韓幹、李伯時、牛則范厲、二道士、仙佛則孫太古、神怪則石恪、猫犬則何尊師、周照。得此數家，已為奇妙。士大夫家，或有收其真蹟者，價已千金矣。何必遠求太古之上，耳目之所不及哉。

石恪

石恪作飛鼠。張之則鼠不入室。何尊師作猫，則鼠皆遠避。官洞于雪州長興成山等寺，羅漢壁上作獨鶴能走而復歸。吳道子作出水小龍，在始蘇達官家，舒之則雲霞生。信州懷玉山有畫羅漢，郡中旱，迎請祈雨，常有一二身飛還寺中。宋復古作瀟湘八景，初未嘗先命名，後人以洞庭秋月目之。今畫人先命名，非士大夫也。

祝枝山跋宋三大家墨妙

祝枝山云：夫書心華也，亦性靈也。苟心華性靈之不超，則下筆自沾塵氣，曷所貴乎。乃宋代蘇米與黃，書開一

代之奇名擅千秋之盛。每有傳流。無不珍惜。如連城夜
光。此非超羣絕俗之才。烏能有此耶。是書爲三公合璧。
尤覺迥異。向藏于尹殿。撰數撰。欲求守溪先生文。餽以
金玉厚幣。先生固辭不受。殿撰因出是卷。贈之。先生喜
甚。寶愛過于球璧琅玕。余也素知其事。迄今二十餘年。
未敢有請。亦知先生之珍愛鄭重也。一日公邀余翫牡
丹。先生歡甚。余得婉辭道之。而先生亦不爲吝。遂以出
示。覽三賢墨妙。殆非人間所得者。拜觀殊覺花神香銷
色褪。奇哉。余遊于先生之門。蓋亦有年。所見所聞。亦云

不少。及見此卷。令人恍然若失。所謂觀乎海者。難爲水
不其然乎。正德十年。歲在乙亥。春二月望後二日。枝山
允明。謹按此卷。首爲東坡老人蘇軾墨蹟。書遊惠山詩。
詩用唐賢王武陵寶羣朱宿三詩原韻。首東坡次秦少
游。次僧參寥各三首。共詩九首。前有引。後有跋。字如大
拇。指大次爲襄陽米芾墨蹟。首書陸羽惠山寺記。次書
獨孤及惠山新泉記。次書自作惠山流泉歌。并跋。字如
小指。大次爲山谷黃庭堅墨蹟。書惠山記一長篇。字大
與蘇書等。而數亦如之。後之跋者。一元翰林學士揭傒


斯文一篇一奎章閣學士虞集七言絕句詩一首一雲
林生倪瓚誌一篇查雲林誌隸虞揚後而攷其年月則
在虞揚前又得梅道人吳鎮句曲外史張雨兩題名而
終以祝跋諸跋中以祝為最字亦酷肖襄陽小行嗚呼
美矣盛矣觀止矣紙皆未紙墨皆宋墨亦越于今八百
年來諸賢印章如新裝裱完好如故不誠希世之寶哉
夏五梅雨經旬礎濕蠅附瓦蒸烟集晨殮不能咽午睡
不可耐適蒹人朱子賚是卷至亟命掃地焚香煮茗展
几正襟危坐而觀之蓋閱三晝夜無倦容幾忘手足之

拘。攣。云。

朱青川曰。是卷余得之閭門舊書肆中。去青蚨未滿
一萬。私心每以贗作為疑。每逢善書家好事者。必出
以相質。凡見者莫不珍愛。僉以紙色墨色印章色。詳
辨。而明決之。斷為非贗。嘗聞攷古者有云。古人印章
必取上等硃。譬之古畫。着色歷久益新。由斯言觀之。
信不誣也。戊春旋里。大甥駿夫新歸。自維揚夏五中
澣之末。余省元峰先生病于方山別墅。攜是卷質之。
率先生寔在。虛談方成一見。狂喜大呼曰。此真足以

殿。我。談。矣。遂。縷。敘。其。原。委。而。跋。之。如。左。于。時。駿。夫。甥。
 將。于。秋。杪。偕。年。友。鮑。樹。堂。舍。人。公。車。北。上。應。來。歲。春。
 開。遂。以。此。卷。授。之。俾。攜。赴。都。門。知。必。有。如。球。琳。琅。玕。
 之。珍。愛。鄭。重。追。踪。守。溪。先。生。者。其。人。矣。甥。亦。繼。美。尹。
 殿。撰。而。可。矣。美。玉。不。終。藏。古。今。人。豈。有。殊。情。哉。

雙塵談卷四全



八男 職先守一氏全校錄
 子壻 朱一杰漢臣
 翟永柱子楹

丙辰四月初四日院完
 昔凡日晴美錄陰可
 人適齋誌

